

Cum crassiores pauciores habeant poros (Def. 8.) à pluribus auræ æthereæ in moleculis impellentur, quippe quæ per poros transitum non inveniunt, & sic fortius movebuntur (per axiom. 1.)

*Corollarium.*

Subtiliores particulæ, cum quibus crassiores in eodem motu permistæ sunt, si hæ progrediantur, illæ retrocedere videbuntur.

*Prop. 5.*

Particula globi terraquaërei crassiores, (terrestres, aquæ,) intra complexum subtiliorum, (aque, aëris) motæ versus centrum nituntur, subtilioribus à tergo relictis.

Cùm aér & aqua, intra circumferentiam totius cœli resistentem, moveatur in orbem (per propos. 3.) inclinabuntur ejus particulæ versus centrum (per observ.) cumque partes crassiores terræ intra complexum eorum tanquam subtiliorum fortius moveantur (per propos. 4.) citius illæ quam hæ versus centrum procedent, & sic illæ ad centrum, hæ à centro, moveri videbuntur (per coroll. propos. 4.)

*Corollar. 1.*

Motus crassiorum intra complexum subtiliorum est curvilineus in spatio, simul verò in orbem motis videtur rectus à vertice versus centrum tendens.

*Definitio.*

*Crassiora* sic mota dicuntur *Gravia*; subtiliora relicta dicuntur *Levia*.

*Corollar. 2.*

*Gravia* descendunt perpendiculariter.

*Prop.*